

全唐詩

全

唐

詩

全唐詩目 第一

第八冊

王珪

陳叔達

袁朗

竇威

長孫無忌

顏師古

杜淹 共一卷

魏徵 一卷

褚亮 一卷

于志寧

令狐德棻

封行高

杜正倫

岑文本

劉洎

褚遂良

楊續

劉孝孫

陸敬

沈叔安

何仲宣

趙中虛

楊濬 共一卷

楊師道 一卷

許敬宗

李義府

共一卷

虞世南

一卷

王績

一卷

蕭德言

鄭世翼

崔信明

孔紹安

謝偃

蔡允恭

杜之松

崔善爲

朱仲晦

王宏

朱子奢

張文收

毛明素

共一卷

陳子良

庾抱

馬周

來濟

張文恭

薛元超

蕭翼

歐陽詢

閻立本

張文琮

共一卷

上官儀

卷

全唐詩

王珪

王珪字叔玠太原祁人初爲太子舍人太宗知其才召拜諫議大夫推誠納忠多所獻替遷黃門侍郎進侍中與房玄齡李靖溫彥博戴胄魏徵同知國政嘗於上前品藻諸子多所遜謝至激濁揚清嫉惡好善自謂於數子有一日之長帝深然之時人亦服其確論卒贈吏部尚書詩二首

詠漢高祖

漢祖起豐沛乘運以躍鱗手奮三尺劍西滅無道秦十月五星聚七年四海賓高抗威宇宙貴有天下人憶昔

與項王契濶時未伸鴻門既薄蝕滎陽亦蒙塵蟻虱生
介冑將卒多苦辛爪牙驅信越腹心謀張陳赫赫西楚
國化爲丘與榛

詠淮陰侯

秦王日凶慝豪傑爭共亡信亦胡爲者劍歌從項梁項
羽不能用脫身歸漢王道契君臣合時來名位彰北討
燕承命東驅楚絕糧斬龍堰淮水擒豹燭夏陽功成享
天祿建旗還南昌千金一作金荅漂母百錢一作錢酬下鄉吉凶
成糾纏倚伏難預詳弓藏狡兔盡慷慨念心傷

陳叔達

陳叔達字子聰陳宣帝第十六子也善容止有才學在

陳封義陽王十餘歲侍宴賦詩十韻援筆便就僕射徐陵甚奇之入隋爲絳郡通守歸款於唐授丞相府主簿與記室溫大雅同掌機密軍書敕令及禪代文誥多叔達所爲進黃門侍郎兼納言侍中封江國公貞觀中拜禮部尚書集十五卷今存詩九首

早春桂林殿應詔

金鋪照春色玉律動年華朱樓雲似蓋丹桂雪如花
水岸銜階轉風條出柳斜輕輿臨太液湛一作仙露酌流霞

後渚置酒

大渚初驚夜中流沸鼓鼙寒沙滿曲浦夕霧上邪谿岸
廣鳧飛急雲深鴈度低嚴關猶未遂一作達此夕待晨雞

聽鄰人琵琶

本是龍門桐因妍入漢宮香緣羅袖裏聲逐朱弦中雖
有相思韻翻將入塞同關山臨却月花蘂散迴風爲將
金谷引添令曲未終

州城西園入齋祠社

升壇預潔祀詰早肅分司達氣風霜積登光日色遲農
教先八政陽和秩四時祈年服垂冕告幣動褰帷瘞地
尊餘奠人天庶有資椒蘭卒清酌簠簋徹香萁折俎分
歸胙克庭降受釐方憑知禮節况奉化雍熙

春首

雪花聯玉樹冰彩散瑤池翔禽遙出沒積翠達參差

初年

和風起天路

一作表
一作霧

嚴氣消冰井索索枝未柔厭厭漏猶

永

詠菊

霜間開紫蒂露下發金英但令逢採摘寧辭獨晚榮

自君之出矣

一作賈
馮吉詩

自君之出矣紅顏轉憔悴思君如明燭煎心且銜淚

自君之出矣明鏡罷紅妝思君如夜燭煎淚幾千行

袁朗

袁朗雍州長安人勤學好屬文在陳釋褐祕書郎甚爲
江總所重嘗製千字詩當時以爲盛作後主召入禁中

使爲月賦染翰立成遷太子洗馬仕隋爲儀曹郎入唐授齊王文學轉給事中貞觀初卒太宗稱其謹厚悼惜之集十四卷今存詩四首

賦飲馬長城窟

朔風動秋草清蹕長安道長城連一作道不窮所以隔華戎

規模惟聖作負荷曉成功鳥庭已向內龍荒更鑿空玉

關塵卷靜一作微金微路已通湯征隨北怨舜詠起南風畫

地功初立綏邊事云集朝服踐狼居凱歌旋馬邑山響

傳鳳吹霜華藻瓊鉞屬國擁節歸單于款關入日落寒

風起驚蓬一作沙被原隰零落葉已寒河流清且急四時徭

役盡一作靜千載干戈戢太平今若斯汗馬竟無施唯當事

筆硯歸去草封禪

和洗椽登城南坂望京邑

二華連陌塞九隴統金方奧區稱富貴重險擅雄強龍
飛灞水上鳳集岐山陽神臯多瑞蹟列代有興王我后
膺靈命爰求宅茲土宸居法太微建國資天府玄風叶
一作融黎庶德澤浸區宇醒醉各相扶謳歌從聖主南登少
陵岸還望帝城中帝城何鬱鬱佳氣乃蔥蔥金鳳凌綺
觀璇題敞蘭宮複道東西合交衢南北通萬國朝前殿
羣公議宣室鳴珮舍早風華蟬曜朝日栢梁宴初罷千
鍾歡未畢端拱肅巖廊思賢聽琴瑟逶迤萬雉列隱軫
千閭布飛甍夾御溝曲臺臨上路處處歌鐘鳴喧闐車

馬度日落長楸間含情兩相顧是月冬之季陰寒晝不
開驚風四面集飛雪千里迴狐白登廊廟牛衣出一作草
萊詎知韓長孺無復重然灰

秋日應詔

玉樹涼風舉金塘細草萎葉落商飈觀鴻歸明月池迎
寒桂酒熟含露一作菊花垂一奉章臺宴千秋長願斯

秋夜獨坐

一作邢邵詩

危弦斷客心虛彈落驚禽新秋百慮淨一作獨夜九愁深
枯蓬唯逐吹墜葉不歸林如何悲此曲坐作白頭吟

竇威

竇威字文蔚扶風平陵人太穆皇后從父兄也初爲高

祖丞相府司錄叅軍博物多識朝章國典皆其所定終
內史令集十卷今存詩一首

出塞曲

匈奴屢不平漢將欲縱橫看雲方結陣却月始連營潛
軍度馬邑揚旆掩龍城會勒燕然石方傳車騎名

長孫無忌

長孫無忌字機輔河南洛陽人文德皇后之兄好學有
籌略佐太宗定天下以功第一封齊國公歷尚書僕射
司空誠懼盈滿固辭不許復拜司徒貞觀十七年圖功
臣二十四人於凌煙閣無忌爲之冠高宗即位進冊太
尉知門下省後爲許敬宗誣構貶死黔州詩三首

新曲二首

阿儂

一本無此二字

家住朝歌下早傳名結伴來游淇水上舊長

情玉珮金鈿隨步遠

一作動

雲羅霧縠逐風輕轉目機心懸

自許何須更待聽琴聲

迴雪凌波游洛浦遇陳王婉約娉婷工語笑侍蘭房笑

蓉綺帳還開揜翡翠珠被爛齊光長願今宵奉顏色不

愛吹

一作聞

簫逐鳳皇

灞橋待李將軍

颯颯風葉下遙遙煙景曛霸陵無醉尉誰滯李將軍

顏師古

顏師古字籀

舊唐書云顏籀字師古

雍州萬年人齊黃門侍郎之推之

孫博覽羣書尤精訓詁隋末爲安養尉高祖入關謁見
長春宮授朝散大夫累遷中書舍人專掌機密太宗初
擢中書侍郎考定五經多所釐正頒其書令天下學習
所注班固漢書急就章大行於世終祕書監弘文館學
士集六十卷今存詩一首

奉和正日臨朝

七政璿衡始三元寶曆新負屨延百辟垂旒御九賓肅
肅皆鵷鷺濟濟盛簪一作纓紳天涯致重譯日域獻奇珍

杜淹

杜淹字執禮隋時隱太山文帝惡之謫戍江表秦王引
爲天策府曹叅軍文學館學士侍宴賦詩尤工賜金鍾

坐事流嶺州太宗召拜御史大夫檢校吏部尚書參預朝政詩三首

召拜御史大夫贈袁天綱

紀事云淹始見袁天綱於洛天綱謂曰蘭臺成就卿字堂寬廣又

語曰二十年外終恐責黜暫去即還武德六年以謫隱太子配流嶺州至九年六月召入天綱曰公至京即得三品要職果拜御史大夫乃贈詩云

伊呂深可慕松喬定是虛擊風終不得脫屣欲安如且珍統素美當與薜蘿疎既逢楊得意非復久閑居

詠寒食鬪雞應秦王教

唐新語云太宗獵內難以淹為御史大夫因計難以致意焉

寒食東郊道

一作上

揚鞚競出籠花冠

一作初

照日芥羽正生

風顧敵知心勇先鳴覺氣雄長翹頻掃陣利爪

一作距

屢通

中飛毛遍綠野灑血漬芳藂雖然

一作言

百戰

一作鬪

勝會自不

論功

寄贈齊公

冠蓋游梁日詩書問志年
佩蘭長坂上攀桂小山前
結交澹若水履道直如弦
此歡終未極于茲獨播遷
赭衣登蜀道白首別秦川
淚隨溝水逝心逐曉旌懸
去去逾千里悠悠隔九天
郊野間長薄城闕隱凝煙
關門共月對山路與雲連
此時寸心裏難用尺書傳